


Injiil bi ngir Xale yi
Kii di ko xamlé

Ba Yàlla sakké
lepp



Ki ko bind: Edward Hughes

Ku def illustration bi: Byron Unger; Lazarus;
Alastair Paterson

Ki def adaptation bi: Bob Davies; Tammy S.

Ki ko tekki: Christian Lingua

Ki ko produire: Bible for Children
www.M1914.org

©2020 Bible for Children, Inc.

Licence: am nga sañ sañu kopié walla it imprimé
teere bi ci bu nekké ni do ko jaay.



Kan mo ñu sakk? Injiil bi, manaam
Kàddu Yàlla gi, mungui wax ci nu
xeetu nit yi tambale. Bu yagg
yagg, Yàlla ca la sakkéwoon
nit ku ñjëkk bi
ba tudde ko

Adaama.



Yàlla Aji Sax ji nag móol nit ci
pëndu suuf, sol ngelawal dund ci paxi
bakkanam, nit daldi doon boroom
bakkan. Mu gis boppam cip tool
bu rafeet bu
ñuy woowé

Toolub
Àjjana.



Balaa Yàlla di defar Adaama, dafa
defar àddina bu rafeet té fées ak
mbiir yu yeemé.



Nank nank Yàlla defar ay bërëp yu
fées ak ay tund ak ay bërëp yu fées
ak ñax té suufé, mu defar itam ay
garab yuy xeeñ lu neex ak

itam ay garab
yu kawé, ...



... mu defar itam ay picc yu am ay
laaf yu rafeet ak ay yamb itam, ay
ngaaka yu nekk ci gééj gi, ak ay
rebes yu raatax. Ci dëgg,

Yàlla mo defar lepp
lu am- lepp.




Ca ñjàlbéen ga, balaa
Yàlla di defar lenn,
amul dara lu amoon
ku dul Yàlla.

Amulwoon nit
walla ay bërëp
walla ay mbir.

Dara. Amulwoon
benn leer té amulwoon
itam benn lëndëm.



Amulwoon lu ñuy naan
tey mu neex suba mu
nakkari. Demb
ak tey sax
amagulwoon.
Yàlla kessé
moo nekkoon
té amul benn
ñjàlbéen. Noonu
Yàlla tambalée jëf!




Ca ñjàlbéen ga Yàlla sàkk
na asamaan ak suuf.




Suuf nag da ne
woon maraas
ne wëyëñ.
Lëndëm
muur
ndox
mu
xóot
mi.




Ba loolu amee
Yàlla ne.
"Na leer
nekk."



Leer daldi am. Yàlla tudde leer gi
Bëccëk, lëndëm gi Guddi. Ngoon jot
suba dugg muy bës bu ñjëkk.



Ci ñaareelu bës gi, Yàlla indi ndoxu
géej yi ak ndoxu déx yi ñu nekk ci
suufu Asamaan si. Ci ñétteelu bës
bi, Yàlla ne,



"Na suuf su wow si féeeñ."
Noonu mu féeeñ.



Yàlla itam sant ñax gi ak garab yi ak
toor toor yi ñu féeeñ. Noonu
ñu féeeñ. Ngoon
jot suba dugg
muy

ñetteelu bës bi.



Toop ci Yàlla defar naaj bi,
ak wéer bi, ak ay biddeew
yu bëri yu kenn mënuta
wéeñi. Ngoon jot
suba dugg muy
ñéenteeli bës bi.



Ay ndiiraani xeeti
bindeef yu nekk ci
géej gi ak ay jën ak
picc ñoo toppoon ci lu
Yàlla béggoona defar.
Ci juroomelu bës ba
Mu defar ay jën yu
reya rey ak ay jën yu
sew, mu defar itam
ay picc yu tiim suuf ak
picc yuy naaw ci kaw asamaan.




Yàlla defar bepp
xeetu jën ñu fées
dél ci biir ndox yu
nekk ci kaw suuf ak
bepp xeetu picc ngir
ñu beggé suuf si,
géej gi ak asamaan
si. Ngoon jot
suba dugg muy
juroomelu bës bi.



Ba mu defare loolu ba noppi, Yàlla waxaat. Mu ne, "Na suuf si génne ay mbindeef yuy dund..." Bepp xeetu mala ak gunóor ak jaan nekk ci saas yi. Amoon na sax ay ñay yuy yëngël suuf si ak ay kaña yu sob. Ay golo yu muus ak ay jàsig yu yémul.




Ay sax yu ritax ak ay xojox yu
ragalul dara. Ay njamala yuy dox
mel ni ñuy tēb ak ay muus yuy mééw.
Bepp xeetu mala la Yàlla defar bēs
boobu. Ngoon jot suba dugg muy
juroom benneelu bēs ba.



Yàlla am na lenneen itam lu mu def
ci juroom bennelu bès ba- lenn lu am
solo. Lepp paréwoon na nag ngir nit

ki. Lekk amoon na
ci tool yi té ay mala
itam amoon nañu
ngir jammu
nit ki.



Yàlla ne, "Nañu bind nit ci
sunu melokaan. Na yilif lepp lu
nekk ci kaw suuf." NOONU YÀLLA
SAKK NIT CI
TAKKNDÉERAM;
CI TAKKNDÉERU
BOPPAM LA
YÀLLA SAKKE
NIT...




Yàlla wax ak Adaama
ne ko: "Mën nga
lekk ci mboolem
garabi tool bi.
Waaye bul lekk
ci garab giy taxa
xam lu baax ak lu
bon. Boo lekke ci garab
gii lu woor muy ni
dinga dee."



Yàlla Boroom bi ne, "Wéet
baaxul ci nit, kon dinaa ko bindal ku
koy jàppële." Yàlla indi
picc yi ak mala yi yëpp ci
Adaama. Noonu Adaama
jox leen ay tur
ñoom ñëpp.



Waroon na muus lool ngir mën ko
def. Wanté ci biir piic yi ak mala yi
yëpp Adaama amulwoon
kenn ku jekk ci moon
ngir mën koo wéttëli.



Yàlla nelawloo Aadama nelaw bu xóot.
Ba muy nelaw nag, mu rocci benn ci

ay faaram, Yàlla defar
jigéen ak faar bu mu
jélé ci Adaama.
Jigéen bu Yàlla
defar nekkoon
na ku jekk ci
doon soxna
Adaama.



Yàlla defar lepp ci diirup
juroom benni bès. Noonu
Yàlla barkeel juruum
ñaareelu fan ba té
def ko bèsu dallu.



Ci toolup àjjana, Adaama ak
soxnaam Awa amoon nañu
mbeggté bu rey ci di deggël
Yàlla. Yàlla nekkoon na seen
Boroom, ki leen di dundal
té di seen Xarit.



Ba Yàlla sakké lepp

Nettali bu joggé ci Kàddu Yàlla gi,
Injiil bi,

Gis nañu ko ci

Ñjàlbéen ga 1-2

"Sa pirim Kàddu day leeral."
Sabóor 119:130



Ñjexté bi



Xew xewu Injiil bii daf
ñuy wax ci suñu Yàlla bu yeeme
bii moom mi ñu sakk té bëgg ñu xam ko.

Yàlla xam na ni def na ñu ay mbiir yu bon, yu
muy woowé bàkkaar. Mbugalu bàkkaar mooy
dee, wante Yàlla def leena bëgg lool ba waaral
mu yooni benn doomam kepp gu mu am, Yeesu,
mu dee ci bant bi té ñu alag ko ndax suñuy
bàkkaar. Waayé Yeesu dekki na ba delu ci
kaw asamaan! Boo gëmé ci Yeesu té nga ñaan
ko mu baal la say bàkkaar, dina la baal!
Dina ñëw dëkk ci yow leegi nii sax, té
dinga dund ak Moom ba faw.



Bo gëmé ni lii dëggë lë, waxal
lii Yàlla: Yeesu, gëm na ni yow yay Yàlla,
nga ñëw ci jëmu nit té dee ngir samay
bàkkaar, té leegui ya ngi dundat. Mangi la
koy ñaan ñëwël ci sama dund té nga baal ma
samay bàkkaar, ngir ma mëna am dund gu
bees leegui nii, té ma mëna nekk ak Yow ba
faaw keroog ba bës ba jooté. Dimbalima
ngir ma mën la déggël té di dund
ngir Yow ni sa doom. Amiin.

Jàngal Injiil bit té di wax ak Yàlla
bës bu nekk! Yowaana 3:16

